



Universitätsbibliothek Paderborn

Synopsis Magnalium Divi Josephi

Ignatius <a Sancto Francisco>

Leodii, 1684

Sect. 4. Sequuntur aliquot modi speciales quibus D. Iosephus poterit coli & honorari à suis clientibus.

urn:nbn:de:hbz:466:1-38500

SECTIO IV.

Sequuntur aliquot modi speciales quibus Divus Josephus poterit coli & honorari à suis Clientibus.

XXXII. **D**uo includit Cultus Sanctis in Cœlo cum Deo regnantibus de-
bitus : Honorem & Imitationem.
Honor est in affectu, laude & venera-
tione : Imitatio est in opere. Hono-
rem illis debemus, quia illorum exigit
dignitas, ut sunt Amici Dei, dicentes
Regio Prophetâ : *Nimis honorati sunt
amici tui Deus. Psalm. 138, vers. 16.* &
quia Deo placitum, nobisque ex-
pediens, venerari oportet fidei Prin-
cipes, Advocatos, Universi, Prae-
cones cœlestes Christi, Hostium
Propulsatores, Semina Christiano-
rum, Flores Paradisi, Ecclesiarum
Ornamenta, Religionis Columnas, Tur-
res & Propugnacula Civitatum & Reg-
norum.

XXXIII. Imitationem debemus illis quia
sunt Sancti : Sancti enim esse debemus,
si ad illorum aliquando societatem,
quod tendimus, pervenire velimus.
Quia tantum laudæ nec imitatur, nu-
gax est, & dubiam facit laudationem
suam. Cur enim non prosequitur ope-
re, quod extollit ore, cum facta ver-
bis præstare omnibus notum sit ? Qui
imitatur & sequitur aliquem factis,
etsi non laudet verbis, opere ipso
magnificat.

XXXIV. Hinc Sanctus Joannes Chrysostomus tomo 4. Operum suorum sermonem habet egregium de Martyribus, quo hoc vult evincere, vel non esse
laudandos, vel esse imitandos. *Quoniam (inquit) quem delectat Sancti alii
enius meritum, delectare debet par circa
cultum Dei obsequium : Quare aut imi-
tari debet si laudat, aut laudare non debet
si imitari detrectat.*

XXXV. Sed potissima ratio est, quod Sancti
in Cœlo regnantes in obsequiis no-
stris, & cultu quem eis deferimus,
magis spectant Dei gloriam, & no-
stram utilitatem, quam suam venera-

tionem. Est autem Deo gloriosius, &
nobis utilius eos imitari, quam lauda-
re, ut constat : unde Sanctus Bernar-
dus serm. 5, de Festo Omnis Sanctorum.
*Ad quid Sanctis laus nostra? quò eis
praenota nostra? pleni sunt, bonorum no-
strorum non egest, nec quidquam eis no-
stra devotione præstatur. Planè quod eo-
rum memoriam veneramur, nostra inter-
est, non ipsorum. Melius ergo coletur
Divus Josephus virtutum imitatione,
quam laude, vel prece: eaque ratione
efficacius multò ipsius intercessio-
nem & opem, quam exquirimus,
obtinebimus.*

Virtutes illius quas imitari debe-
mus, sunt illæ in quibus maximè ex-
celluit : Has autem habes Parte 2. Tra-
ctatu 3. Sed tūm præcipue eorum ali-
quem actum tibi præfiges exercen-
dum, cùm eum adire desiderabis, ut
per ipsum aliquid tibi necessarium seu
temporale, seu spirituale à Deo obti-
neas. O quam efficax est hoc medium
ad impetrandum à Deo per Divum
Josephum ! verbi gratiâ. Cùm conju-
ges aliquid à Deo per eum petere vo-
lentes, dum ut illud obtineant, simul
oraturi proponunt, simul per aliquod
saltē tempus continere, ad aliquā-
lem imitationem ejus, quam usque ad
mortem per triginta annos cum Con-
juge suâ coluit continentiae: vel dum
Opifices, Mercatores, & alii totum lu-
crum aut quæstum unius diei per men-
sem Christo in pauperibus suis alendo
devovent, & erogant, ad exemplum
illius qui laboravit pro Christo, & de
laboribus suis cum per tot annos aluit.
Aliaque his similia, quæ ad prefatorum
normam cuique erit facile ex vitâ &
actionibus Divi Josephi ad proxim de-
ducere. Restat jam ut de honore di-
camus.

Modos aliquos ipsum honorandite-
tigimus in superioribus : hi cum aliis
qui restant in universum ad tres redu-
ci possunt.

Ad primam classem pertinent illi
qui sunt Divinitus revelati, qualis est
ille, qui eruit ex historiâ Sacri & Scra-
phici Ordinis S. Francisci, quam edidit
Pater Joannes de Fano, ubi meminit,
prout & noster Hieronymus Gratianus
lib. 5. de Sancto Josepho cap. 4. &
Doctor

Pars III. Tractatus II.

549

Docto^r Petrus Morales in Matthæum, duorum ejusdem Ordinis Religiosorum & Sancti Josephi devotorum, qui Flandriam versus navigantes naufragium passi, vectoribus, reliquisque undâ mersis, soli emersere: Et enim arreptâ tabulâ, cum tribus continuo diebus ac noctibus ab aquis jactati, in extremo vitæ discrimine egissent, implorato ferventiū Divi Iosephi auxilio, euldem statim apparentis ope, salvi & incolumes ad littus enatarunt: A quo in mandatis acceperunt, ut in ejus honorem, septemque ipsius laborum ac septem gaudiorum memoriam, totidem quotidie Pater & Ave recitarent, hinc enim futurum, ut tam ipsi, quam quilibet alii, qui hoc pietatis exercitium susciperent, suum haud dubiè patrocinium in cunctis experirentur necessitatibus. A quâ apparitione & revelatione sumpsit originem devotio quindecim dierum Mercurii consecutivorum apud Patres nostros Discalceatos, saltē in Belgio, frequentata ut docet Pater Antonius à Matre Dei, ex eādem Discalceatorum Congregatione, in Libello cui titulus *Abrége des quinze Mysteres, &c.* Componitur enim ex septem laboribus, & septem gaudiis illis Divi Josephi invicem junctis qui faciunt quatuordecim: quibus addunt pro decimoquinto ejus Mortem in conspicu Domini preciosam, ex quâ ejus beatitudo.

XXXIX. Ad secundam classem pertinent il-
li modi qui à Sanctis sunt practicati,
ad normam illorum quo alii Sancti
jam ante honorabantur : in quo ge-
nere est v. c. devotio Sanctæ ac Seraphicæ
Matris nostræ Theresiæ , quæ
nunquam inventa fuit seu in Mona-
sterio , seu in itinere sine aliquâ Divi
Josephi Imagine , quam sapissimè ex-
trahebat et identidem adspectabat , ut
in illam sapiculè contuens , nunquam
ab illo mente abesset , ab ipsâ Deiparâ
edocta , ipsius recordationem , pium
ad ipsum recursum , patrociniumque
ejus apud Deum ipsi semper summo-
pere profuturum , ut etiam ipsa ex-
petiebatur.

XL. Ad tertiam Classem pertinet devo-
tio eorum, qui ad memoriam suam

revocantes aliquam notabilem vitæ
Divi Iosephi circumstantiam , aliquid
commiscentur , quo illam honorant
actu aliquo , qui habet aliquam cum
tali circumstantiâ affinitatem : v.c. qui
in memoriam quod Divo Iosepho Ma-
riae & Christo in Bethleem ad censem
profectis , non fuerit locus in diverso-
rio , excipiunt aliquando ad hospitium
vel prandium hominem cum muliere
puisolum gestante , exemplo illius
mercatoris Hispani Valentini , de quo
Divus Vincentius Ferterius in serm.
de Nativit. Domini : qui quolibet anno
in die Nativitatis Domini hoc piè , ac
religiōsè practic abat: de quo fuit reve-
latum , inquit D. Vincentius Ferterius ,
Quod in morte apparuerunt ipsi Virgo
cum filio & Sancto Iosepho dientes , quia
recepisti nos in domo tuâ , ideo recipiemus
te in domo nostrâ .

XL.

Inter hujus ultimæ Classis devotiones non ultimus apud Divi Josephi devotos, etiam litteratos, hodie tenet locum illa quæ ad sanctuarii trutinam appensa inventa est esse justi ponderis & approbata specialiter ac commendata à Serenissimo Principe Electore Colonensi, Episcopo & Principe Leodiensi: in suis litteris de datâ 10. Octobris 1675. que Devotione est septem dierum continuorum, si res urget, alias septem dierum Mercurii successivorum, quia ille dies apud fideles est Divo Josepho Sacré, sicut Sabbathum ejus Sponsæ castissimæ: & hoc in honorem septem Privilegiorum præcipuorum, ac singularium ejus prærogativarum, quibus supra omnes Cœlites post Sponsam suam emicat.

Ac primo quidem dic, propter pri-
mam ejus prærogativam, prædestina-
tionem scilicet ejus tam extraordina-
riam, quam illam esse ostendimus esse
in superioribus, Part. i. Tract. i. Pro-
lud. s. & seqq. Itam prædestinationem
primam ejus prærogativam dico, non
tantum, quia prima est tempore, sed
etiam quia sans est & origo omnium
aliarum.

Secundo die, propter gratias ele- XLIII.
ctissimas ei à Deo in vitu hujus prae-
destinationis collatas, quibus cum dispo-
suit & præpatavit ad illud, ad quod cùm
prædilectione erat, quiescecerat.

550 Synopsis Magnalium D. Josephi,

Parte primâ Tractatu 3.

XLIV. Tertio die, propter eminentissimam illam, & incomparabilem dignitatem Patris J E S U, de quâ Part. 2. Tract. 2. ad quam primariâ & directe electus est & prædestinatus, & cuius intuitu gratias quas suprà accepit, alias que quæ sequuntur prærogativas.

XLV. Quarto die, propter aliam eminentissimam quoque licet Beatissimæ Virginis Deiparentis, de quâ part. 2. tract. 2. quâ mediante, Deus magnum illud intentum ad finem perduxit, per quam, inquam, illum effecit filii sui Patrem.

XLVI. Quinto die, propter gratias illas singularissimas, quibus eum Deus largissime & abundantissime cumulavit, ut dignè ornaretur ad congruè sustinendas illas duas eminentissimas dignitates : de quibus gratiis superius, Parr. 2. Tract. 3.

XLVII. Sexto die, propter eminentem gloriam, quam per usum exactum istarum gratiarum meruit, ad quam Deus illum exexit, & per quam illum consummavit, omnesque præmemoratas illius prærogativas coronavit : de quâ gloriâ hâc Part. 3. Tract. 1.

XLVIII. Septimo & ultimo die, propterea quod in illo eminentissimo gloriæ statu est Proto-Patronus omnium, consumque in vita & in morte Proto-Protector, pro quo viæ quæ part. seq.

XLIX. Hâc porrò devotione, si eam ex objecto consideremus, quid quæso prius ? quid solidius ? nihil enim aliud præ oculis habet quam Dci dona, eorumque ubertatem, quæ in illo Viro Sanctissimo suspicemus & honoremus, & in quibus partem accipimus per sanctam quandam complacentiam, per affectum sinceræ benevolentiaz, & cordiale congaudium & adgratulationem: persuasi firmiter nihil illi gratias accidere posse, quam ut cum ipso gratias reddamus Deo, quod eum in tantum dilexerit : nihil enim adeò placet Sanctis, qui cum Deo regnant in Cœlo, immo etiam illis qui pugnant adhuc nobiscum in terris, quam dum vident plurimum ora & corda sibi uniri, & secum aperiri in gratiarum actionem Deo pro favoribus, quibus ab illo cumulati sunt tam copiosè.

L. Hinc Apostolus ex infinitis periculis

& discriminibus singulari Dei protectione eruptus, scribens ad Corinthios, illorum adjunctionem implorat: *Vt, inquit, ex multorum personis ejus, que in nobis est donationis, per multos gratie agantur pro nobis.*

Hanc sanctam praxim proponit hæc Ll. devotio septemdipliis in honoré septem præcipuarum Divi Iosephi prærogativarum : unde fieri nequit quin ex inde magnam capiat ipse delectationem, sequiis qui illam frequentant sentiat obstrictum, ut qui probè sciat, quod gratiæ quas à Deo tam copiosè & largiter recepit, non possint sat dignè recognoscí, et si omnes Angeli & homines omnes simul unirentur in eum finem.

Tandem eminentissima illa dignitas Patris JESU, quâ iste Vir Sanctissimus insignitus est, usque adeo eminet, ut ipse eam ut par est recognoscere non valens, vellet centum milles millium millionum hominum corda & linguas habere, ut aliquâ falcem ratione posset tantæ gratiæ respondere, unde non potest fieri quin ingenti gaudio afficiatur & rapiatur, dum alii se ei adjungunt ad supplendum defectum suum, & exaltandam secum infinitam in se Dei misericordiam, maximè verò gratiam istam sua paternitatis, quæ fuit in eo origo omnium meritorum & magnalium suorum, immo & existentiaz suæ ut docuimus suprà Part. 1. Tract. 1. Prolud.

His addo quod per hanc devotionem rem etiam pergratam faciemus homini Deo, qui eum inter mortales omnes elegit in Patrem suum : amat enim eum honorari propter dona sua quibus ipse eum honorare voluit, & quæ ei eo fine contulit ut à nobis honoraretur.

Hæc verò devotione est septenaria tripli. Primò, ex objecto, quia in eâ septem Divi Iosephi prærogativas suspicimus. Secundò, ex subiecto seu materiâ, quia per septem exercitiationem, orationes septem ad illas septenas prærogativas aptatas, per Horas Canonicas septem, Communiones septem, & alia similia illas honoramus. Tertiò in duracione, quia septem dies vel continuis, vel Mercuriorum per

per alios interpolatis perficitur: & ex hoc inter omnes quæ sunt in numero, ut sunt Octavae, Novenæ, Quindenæ, optimi auguri, quia numerus septenarius inter omnes est maximè mysticus, plus omnibus & Religioni & Mysteriis serviens Divinis, ut patet ex Sacra Scripturâ.

LV. Hinc ab initio mundi septimus dies à Deo fuit sanctificationi & Divino Cultui designatus. Hinc in Tabernaculo foederis erant septem lucernæ, Exodi cap. 25. Hinc in solemnitate septimi mensis præcepit Deus offerri sibi in holocaustum agnos annicullos immaculatos septem, Numer. cap. 29. Item ibidem decimâ ejusdem septimi mensis agnos itidem septem: & decimâ-quintâ die duplum, idest agnos bis septem, sive quatuordecim: sex diebus sequentibus tordem: Octavâ autem illius diei, qui erat celeberrimus, agnos annicullos immaculatos septem. Et Job cap. 42. Eliphaz Themanites cum duobus sociis, Baldad Suhite, & Sophar Naamathite contra quos iratus erat Dominus, jubentur ire ad Job, & cum illo offerre pro se in holocaustum & propitiationem septem tauros, & septem arietes, quo facto placatus est Dominus: Hinc Psaltes Regius septies in die laudem dicebat Domino super iudicia justitiae suæ, Psalmo 118. vers. 164. Hinc sunt septem Spiritus, seu Angeli qui adstant ante thronum Dei: Hinc in Dedicatione Templi Salomonici 2. Paralip. cap. 7. Fecit Salomon solemnitatem septem diebus, & omnis Israel cum eo, & dedicavit Altare totidem diebus: Hinc Sanctus Pater noster Elias oscitavit super puerum mortuum septies, & septimâ vice spiritum vitæ recepit: Hinc Sanctus Elieçus primus ejus Discipulus Naaman Syro præcipit, ut se laveret septies in Jordane, & septimâ vice à lepro mundatus est: Hinc fortitudo Sampsonis confitebat in septem crinibus capitis ejus. Hinc sunt septem dona Spiritus Sancti, septem Sacraenta novæ legis, septem petitiones in Oratione Dominicâ, septem stellæ in dexterâ Dei, septem sigillis clausus est & ob-signatus liber mysteriorum Dei: & sexcenta alia similia per totam Scripturâ.

Vide alia ex Philone Judæo & Pithagoricis de sanctitate, perfectione, & excellentiâ hujus Numeri Septenarii supra alios apud Cornelium à Lapidé in cap. 5 Deuteron. ad vers. 12. & Andream Masium in librum Josue cap. 6. vers. 11.

Ex quibus patet hanc Devotionem, **LVI.** ad hunc septenarium numerum redactam, non posse dici aut ullo modo haberi de superstitione suspectam, cum illius tot exempla habeamus in Scripturâ. Deinde etiam quia iste numerus hic non est arbitrarius ut evenire solet in superstitionis: nam regulatur à Priviliis seu Prærogativis Divi Iosephi numero septenario comprehensis: Omnia enim quæ de Sancto illo magna & excelsa dici possunt aut ex cogitari, aut Dei dona quæcumque quæ in illum congesit plenissimo cornu Deus, & ob quæ Deus vult in illo honorari, ad unum ex septem illis privilegiis omnino reducuntur, ut facile patet consideranti. Et ideò hæc Devotione ad hanc amissim formata per se limitata est ad septenarium numerum, nec minorem nec majorem, & in ea Deum sequimur, qui cum omnia in numero, ut in pondere & mensurâ faciat, Magnitudinem sui amantissimi Patris ex magnis illis septem Privilegiis constituere voluit.

Hujus virtutem & efficaciam **LVII.** devotionis plurimi omnis conditionis & in animâ & in corpore experti sunt, qui eam à tempore quo publicata fuit & instituta in Ecclesiâ nostrâ Leodiensi authoritate Serenissimi Principis Electoris Coloniensis, Episcopi & Principis Leodiensis per Litteras suas, quarum mentionem fecimus hic supradictum 41. & quas in calce hujus Capitis subiectemus frequentatunt: experientur etiam, hoc mihi spondeo, omnes quotquot illam frequentabunt, si eâ devotione, ipse, & fiduciâ, quâ par est illam suscipiant & prosequantur, agnoscentque proprio suo experimen-to, quam grata sit Divo Iosepho, & Deo, qui eum amat, eosque, qui eum colunt & honorant suis prosequitur favoribus & beneficiis.

Bis ego ipse virtutem & efficaciam **LVIII.** hujus Devotionis expertum me credo:

Prima



Primâ vice anno 1672. postquam enim obstinatâ defluxione in raucitudinem incidiſem talem, ut per totos sedecim menses nedum canere in Choro cum aliis possem, sed nec psallere seu legere, cùm neç ferè audiret in colloquio familiaris nisi ab attentè auscultante, & aures porrigitente, ut per centum testes constat, tentatis per illud tempus omnibus Medicorum remediis in vanum: frustraneis etiam, Deo ita volente, in eundem finem ad alios Sanctos votis & devotionibus, venerunt tandem mihi in mentem septem præmemorata, eo ordine quo supra, Divi Josephi Privilegia: tum deinde subiit cogitatio & voluntas implenda hujs devotionis septenariæ, quam sive plenus aggressus sum circa finem Februarii ejus anni: nec spem fecellit evenrus, perductâ enim ad tertium diem Mercurii devotione, quarto (qui est medijs septenarij) cùm essem Huii apud Moniales nostri Ordinis, ubi pro felici successu oneris mihi ibidem cōmissi Missa de Spiritu Sancto cantanda erat, eam ipse cantavi voce plenâ & clarâ ut ante, eliminatâ omni raucitudine non amplius redditurâ, quamvis (quod valde notandum censeo) pridie illius quarti Mercurii navigio ascendens Leodium ad dictum oppidum Huyense, hæfissim in ravi ad novem & amplius horas, idque mense Martio eo anno tatis humido & frigido.

LIX. Secundâ vice eandem virtutem hujs devotionis expertus sum anno 1681. Passus enim per totam hyemem fatis rigidam insomnia, ut sœpiissimè vix medijs per longissimas noctes horâ somnum capitem, imò nec propter astma in lecto manere possem, adhibitis pro hac tædiosissimâ infirmitate trium expertissimorum Medicorum pluribus remediis, quæ nihil mihi profuerunt, ad Auxiliatorem meum pristinum recurri, eandem devotionem, rogatis etiam aliis ut se mihi ad jungerent, repetii, statimque ut eam coepi, somnus qui fugerat ab oculis meis rediit.

LX. His autem opitulationibus à me hic allatis non aliam fidem, quam quæ humanæ Historiæ tribui solet, ullatenus haberi volo: memor Decreti Summi

Pontificis Urbani VIII. cui me, & à me dicta hic submitto, à quo ejusque in Petri Cathedrâ Romanâ Successoribus nunquam recedere volo: Monco tamen æquum Lectorem meum, me non ignorare quod mendacium, fraus, & deceptio in hujuscemodi materiâ, impostura sit omni mendacio in aliâ materiâ gravior, quam nullus praetextus excusare potest.

Sequitur Diploma Serenissimi Episcopi & Principis nostri Leodiensis.

M AXIMILIANUS HENRICUS, Dei Gratia Archiepiscopus Coloniensis, Sacri Romani Imperii Princeps Elector, per Italianam Archicancellarius & S. Sedis Apostolica Legatus natus, Episcopus ac Princeps Leodiensis & Hildesiensis, Administrator Berghtesgadensis, utriusque Bavariae, Superioris Palatinatus, Westphaliae, Angariae, & Bullionii Dux, Comes Palatinus Rheni, Landgravius Leuchtenbergensis, Marchio Franchimontensis, Comes Losiensis & Hornensis, &c.

Universis & singulis presentes nostras litteras visiris, lectoris, seu legi audituris; Salutem in Domino. Ex injuncto nobis caritatis Pastoralis sollicitudinis officio, adea libenter animum intendimus que ad divini cultus augmentum, Sanctorum in celis regnantium honorem & animarum à Supremo nobis Pastore commissarum salutem conducere arbitramur. Itaque preclara Sanctissimi Patriarcha Josephi IESV Christi Domini nostri Tutoris ac Nutricii, neconon Deipara Virginis Maria Sponsa merita animo revolentes, eò libentius ad promovendum in animarum nobis subditarum cordibus ejus cultum & honorem cooperamur, quo efficaciter ejus intercessione gratia & frequentissime potentissimum in omnibus necessitatibus patrocinium miracula crebriora in dies attestantur. Dandum quidem in diversis Civitatis & Diocesis nostræ Leod. Ecclesiis ejus festivitas solemniori ritu annua devozione recolitur, nunc verò exposito nobis quod sicut in universalis Ecclesia, ita & ibidem crescente devotorum erga sanctissimum illum Patriarcham